



**AUTORIDADE
MUNICIPAL DE
COVALIMA**



**Agência Municipal de
Planeamento**

Ref: 48 /PAM Covalima/AMP/IX/2025

Data : 11 / 09/ 2025

Hato'o ba : Ex^{mo} Presidente Autoridade Municipal Covalima,
Sr. Miguel Armada Cardoso, Lic.Eco

Assunto : **Relatório resultado atividade monitorizaun Programa Merenda
Eskolár (PME) etapa dahuluk tinan 2025**

Bazeia ba Dekretu Lei no. 61/2022 kona-ba Aprovasaun Programa Merenda Eskolár, Manuál Implementasaun Programa Merenda Eskolár Edisaun daruak fulan Janeiro 2023 No. 12.1 no Despaxu Prezidente Autoridade Municipal Covalima Nú :20 / PAM – Covalima /AMP/ I /2025 data 28-01-2025 kona-ba estabesimentu ekipa monitorizaun no avaliasaun Programa Merenda Escolar (PME) 2025, ne'ebé fó kompeténsia tomak ba iha Ajênsia Munisipál Planeamentu atu koordena no mobiliza entidade sira hosi Diresaun Servisu Munisipál nakait hodi hala'o monitorizaun no avaliasaun ba Programa Merenda Eskolár (PME) iha eskola sira iha teritóriu Munisípiu Covalima laran tomak. Ho nune'e, liu husi biban ida ne'e Ajênsia Munisipál Planeamentu hakarak relata resultado monitorizaun Programa Merenda Eskolár (PME) tinan 2025 iha Eskola sira ba etapa dahuluk ne'ebé hala'o ona husi ekipa conjunta ida ne'ebé mak kompostu husi funsionáriu no Xefe Seksaun iha Postu Administrativu sira, funsionáriu no Xefe Departamentu husi Diresaun Servisu Munisipál interligadu sira hanesan; Ajênsia Munisipál Planeamentu, Diresaun Servisu Munisipál Aproxionamentu, Diresaun Servisu Munisipál Agrikultura, Diresaun Servisu Munisipál Saúde, Diresaun Servisu Munisipál Seguransa Alimentár, Diresaun Servisu Munisipál Finansas inklui mós pesoál sira husi Servisu Saúde Komunitáriu iha Postu Administrativu ida-idak. Totál pesoál ne'ebé envolve iha ekipa conjunta iha leten hamutuk ema na'in tolu nulu resin neen (36) no husi pesoál na'in tolu nulu resin neen (36) iha leten fahe tan mós ba ekipa haat (4) no kada ekipa monitoriza entre eskola 35 to'o 38 husi eskola atus ida tolu nulu resin sia (139) ne'ebé iha, tantu Eskola Públiku no Eskola Privadu sira ne'ebé implementa Programa Merenda Eskolár (PME). Atividade monitorizaun ida ne'e hahú husi loron 21-08-2025 no remata iha loron 03-09-2025 ho nia durasaun tempu loron sanulu (10). Husi totál Eskola ne'ebé iha no tempu ne'ebé determina ona iha leten, ekipa konsege konklui ona atividade refere tuir tempu mesmu ke ekipa sira hasoru dezafiu oi-oin hanesan limitasaun transporte, estrada ladi'ak no seluk-seluk tan. Hakarak informa mós ba Ex^{mo} Prezidente Autoridade Municipal Covalima katak, tuir pedidu ne'ebé Ajênsia Munisipál Planeamentu hato'o ba iha Diresaun Património no Lojística hodi husu apoiu kareta haat (4) ba ekipa sira atu uza ba atividade ne'e, infelizmente ami hetan deit apoiu kareta rua (2), kareta ida husi SM Saúde no ida seluk husi SM Património no Lojística rasik. Ho nune'e, pesoál ekipa balun uja rasik sira nia transporte privadu hodi hala'o atividade refere tamba

transporte ne'ebé destinadu ba ekipa sira atu uza ba atividade monitorizasaun lato'o atu transporta ekipa sira. Kona-ba prenximentu formatu monitorizasaun, ami konsidera la'o di'ak, tanba ekipa sira iha ona koñesimentu natón kona-ba implementasaun PME tuir matadalan ne'ebé iha.

Tuir rezumu ne'ebé ami konsege halo husi relatóriu ekipa sira, implementasaun atividade Programa Merenda Eskolár (PME) iha Eskola sira jerálmente la'o di'ak ona, maibé kualitativamente sei sai kestaun ne'ebé sériu no presija hetan intervensaun imediata husi parte relevante sira hotu ne'ebé iha ligasaun direta ho implementasaun Programa Merenda Eskolár (PME) iha leten.

Iha biban ida ne'e mós ami hakarak hato'o rezumu jerál no rekapitulasaun husi relatóriu ekipa sira inklui rekomendasaun balun hanesan tuir mai ne'e;

I. Rezumu jerál

1. Implementasaun

Hahú husi fulan Marsu to'o Junho 2025 (Q1,Q2) totál loron letivu ba implementasaun kada nivel eskolaridade la hanesan. Ba EPE loron letivu 64 no ba EBC loron letivu 70.

2. Administrasaun;

- Relatóriu ezelesaun orsamentu kada trimestre husi EJP sira barak mak laiha arkivu
- EJP barak mak la arkiva sira nia relatóriu trimestráil no anuál iha Gabinete Diretór Eskola nian no rai deit iha sira nia uma,
- Livru kaixa aneksu (4) presija hadi'a nia funsionamentu tamba EJP barak mak uja deit surat tahan (la'os livru) hodi hakerek osan sai no osan tama,
- Resibu entrega osan no komprovativu kompra sobre fatura (aneksu 5 no 6) funsiona ladun diak,
- Relatóriu diáriu (aneksu) 7 Fornesedor sira laprenxe formatu refere ho nune'e Fornesedor sira lahatene estudante benefisiáriu hira maka presente hodi prepara ai-hán ba sira.

3. Solisitasaun Kotasaun;

Eskola sira ne'ebé tama iha tipu prosedimentu solisitasaun kotasaun lakonsege implementa ho razaun laiha Fornesedor ka grupu ruman mak interesadu atu fornese ai-han, ho nune'e EJP sira hotu-hotu aplika deit tipu Ajusta Direta.

4. Menu

- EJP no fornecedor sira barak mak apresenta sira nia lamentasaun kona-ba lista menu ne'ebé prepara hosi Diresaun servisu Munisipal Edukasaun rasik tanba laiha flexibilidade ba EJP sira tuir matadalan PME no tuir kondisaun riil ne'ebé eskola sira ejiste ba iha Aldeia no Suku.
- Tuir ekipa monitorizasaun nia hare EJP sira barak mak prepara ai-han lahalo tuir,menu ne'ebé hatúr ona iha matadalan ho razaun kondisaun Aldeia ou Suku sira ladisponivel ba ai-han sira ne'ebé sita ona iha matadalan hanesan ai-fuan no fos lokál.
- Menu ba loron Sesta-Feira ai-han sira ne'ebé sita iha menu ne'ebé fo sai husi Edukasaun Munisipál latuir matadalan ne'ebé iha, exemplu hanesan ai-han ida naran

“mutiara” no tuir matadalan ai-han iha loron Sesta-feira inkompletu no latuir matadalan.

5. Ai-han exportasaun no Lokál;

Ai-han sira ne'ebé Fornesedór sira prepara ladún tuir ementa/menu ne'ebé matadalan hakarak (ezemplu porsentazen Ai-han exportasaun hanesan; foos, mina, masin no manutolun sei domina liu husi ai-han lokál sira).

6. Modo tahan no ai-fuan;

Modo tahan no ai-fuan ladún adekuaudu tuir porsaun ne'ebé hatuur ona iha matadalan tamba iha Aldeia ou Suku ne'ebé implementa Programa Merenda Eskolár (PME), comunidade agrikultór sira lapreparadu hodi hakiak modo no ai-fuan ho montante ne'ebé suficiente tuir nesesidade ka pedidu Fornesedór sira, nune'e obriga Fornesedór sira ba halo kompras iha Merkadu Sentral sira iha Postu ou Munisípiu,

7. Sasukat ka porsaun/takaran;

Porsaun ka takaran ai-han ba kada estudante sai obstákulu boot, Fornesedór barak mak prepara no fahe ai-han latuir sasukat ou kálkulu tuir menu ai-han ne'ebé hatúr ona iha matadalan, ho nune'e ai-han sira ne'ebé estudante sira konsumu ladún nutritivu,

8. Kuziña/Dapur;

Kuziña/ dapur ba Fornesedór sira atu prepara ai-han em jerál seidak iha no karik iha mós ladún ijene ne'ebé konstrui rasik husi Fornesedór ho zinku at sira ne'ebé sira iha.

9. Refeitóriu;

Tuir identifikaun ekipa, eskola balun iha ona dapur no refeitóriu maibe ladun iha espasu naton no laiha meza no kadeira atu akumulá estudante sira hotu atu utiliza hodi han ba, ho nune'e nafatin obriga estudante sira tur iha rai ou tane bikan ho ai-han hamariik hodi han refeisaun ne'ebé sira simu hosi forneseedór sira.

10. Armajén;

Eskola sira em jerál laiha armajén própiu atu asegura ai-han no utensílius sira hanesan bikan, kanuru, tasu, sanan no seluk tan, nune'e obriga Fornesedór sira lori materiál utensíliu sira ba asegura iha sira nia uma ou iha Profesór sira nia uma.

11. Tetu no Sukat;

Atu sai sasukat ba alkansamentu husi implementasaun Programa Merenda Eskolár (PME) maka atividade tetu no sukat kada períudu (fulan 3 dala ida) antes no depois de estudante benefisiáriu sira hetan refeisaun ne'ebé hala'o husi parte Diresaun Servisu Munisipál Saúde. Maibé tuir informasaun ne'ebé ekipa sira rekolla iha terenu, infelizmente iha tinan 2024 ne'e atividade tetu no sukat A'as laakontese iha eskola sira.

12. Bee moos no saneamentu;

- Eskola barak (maioria Eskola Bázika Filiál sira) seidak asesu ba bee moos.
- Sintina barak iha eskola sira lafunsona ho di'ak tamba falta bee moos

13. Atrazu implementasaun;

Hahú fulan Janeiro to’o médiu fulan Marsu 2025, implementasaun Programa Merenda Eskolár la konsege realiza tamba atraza iha sistema prosesu pagamentu husi Servisu Munisipál Finansas.

II. Rekomendasaun :

Husi rezumu sira iha leten ami hakarak rekomenda :

1. Presija iha seriedade husi Diresaun Servisu Munisipál Edukasaun no Diresaun Servisu Munisipál Finansas hodi tau atensaun iha jestaun administrasaun no fó formasaun adekuaudu ba implementadór sira iha área jestaun finanseira no relatóriu konta sira, atu nune’e orsamentu Programa Merenda Eskolár bele utiliza ho efisiênsia, efikáz no transparânsia.
2. Diresaun Servisu Munisipál Edukasaun no Diresaun Servisu Munisipál Finansas presija tau atensaun ho máximu ba prosesu pagamentu tuir tempu atu nune’e la bele prejudika ba atraju implementasaun Programa Merenda Eskolár (PME) iha Eskola sira.
3. EJP sira tenki arkiva dokumentu sira (relatóriu trimestrál) iha Gabinete Diretór Eskola ida-idak atu nune’e ema hotu bele asesu hodi garante transparânsia.
4. Diresaun Servisu Munisipál Edukasaun no Diresaun Servisu Seguransa Alimentar mós presija sensibiliza no fó orientasaun ba EJP sira atu utiliza barak liu ai-han lokál duke ai-han exportasaun sira.
5. Husu ba Diresaun Servisu Munisipál Agrikultura liu husi Estensionista sira iha Postu no Suku atu bele organiza no sensibiliza comunidade agrikultór sira hodi bele hasa’e no eleva produsaun agríkola sira liu-liu ba ai-han fó forsa, ai-han fó protesasaun no hakiak animál atu nune’e osan sira ne’ebé bá ona iha Suku no Aldeia la bele fila fali mai Loja no Merkadu sira iha Vila ka Sidade.
6. Presija konstroe armajén, kuziña no refeitóriu iha eskola sira hodi bele asegura ai-han nafatin saudavel no abitua mós estudante sira han ho ordem.
7. Diresaun Servisu Munisipál Saúde presija fó formasaun adekuaudu ba implementadór/Fornesedór sira kona-ba oinsa prepara hahán seguru no hahán ne’ebé saudavel no ekilibradu no presija mós tetu no sukat estudante benefisiáriu sira kada trimestre (antes no depois de han) atu nune’e bele hatene tuir progresu husi kresimentu estudante benefisiáriu sira.
8. Diresaun Servisu Minisipál Aprovizionamentu presija fó formasaun adekuaudu ba implementadór sira kona-ba regra aprovizionamentu ne’ebé aplika ba PME, atu nune’e implementadór sira bele intende ho di’ak téknika aprovizionamentu ba implementasaun Programa Merenda Eskolár (PME).
9. Presija dada bee moos ba Eskola sira ne’ebé presija hodi bele implementa PME ho di’ak, no estudante sira mós bele uza sintina sira ne’ebé iha ona.
10. Presija halo fali reestruturasaun ba Ekipa Jestaun Programa (EJP) no Fornesedór iha Eskola sira tamba membru EJP barak mak servisu dupla, barak mak ladún ativu ona no balun mós ladún servisu hamutuk ho Diretór Eskola sira. Fornesedór barak mak ladún iha

koñesimentu kona-ba ementa/menu no barak mós mak implementa Programa Merenda Eskolár (PME) latuir menu iha matadalan.

11. Kontinua nafatin fó kapasitasaun ba ekipa monitorizasaun kona-ba matadalan Programa Merenda Eskolár (PME) no prenximentu formatu monitorizasaun.
12. Presija tau atensaun no fasilita transporte no akomodasaun ba ekipa sira ne'ebé atu hala'o atividade monitorizasaun iha etapa sira tuir mai.

Ida ne'e mak ami nia rezumu jerál no rekomendasaun balu, rezultadu kompletu husi atividade monitorizasaun ida ne'e detalladamente bele hare iha rezumu kada Eskola Bázika Sentráł no EJP sira ida-idak iha aneksu tuir mai.

Mak ne'e deit ami nia relatóriu ba atensaun tomak lahaluha hatu'o obrigadu ua'in.

Afonso Nogueira Nahak, S.Sos

Diretór Agência Municipál de Planeamento

Cc :

1. *Ex^{mo} Sekretáriu Autoridade Municipal Assunto Administração e Financas, **Sr. Alberto Moniz de Araújo***
2. *Ex^{mo} Sekretáriu Autoridade Municipal Assunto PIDI **Sr. Caetano dos Santos Ribeiro***
3. *Ex^{mo} Sekretáriu Autoridade Municipal Assunto Sociais e as Organizações Comunitária **Sr. Filomeno Cardoso Lic. Eco, M. Gest***
4. *Ex^{ma} Diretora Servisu Munisipál Edukasaun, **Sra. Elda de Fátima, Lic. Dir.***
5. *Ex^{mo} Diretora Servisu Munisipál Finansas, **Sra. Rozita Semei Amaral Freitas, Lic. Sp.***
6. *Ex^{mo} Diretór Servisu Munisipál Agrikultura, **Sr. Lino Magno***
7. *Ex^{mo} Diretór Servisu Munisipál Aprovisionamento, **Sr. Roberto Álvaro Gomes***
8. *Ex^{mo} Diretór Servisu Munisipál Saúde, **Sr. Domingos Sequeira***
9. *Ex^{mo} Diretór Servisu Munisipál Seguransa Alimentar, **Sr. Hilário Oliveira Mendonça***
10. *Ex^{mo} Assessor Partisipa Autoridade Munisipiu Covalima, **Sr. Ergílio Ferreira Vicente***
11. *Arquivu.*

**Rekapitulasaun ba rezultadu atividade Monitorizasaun no Avaliasaun ba Programa
Merenda Eskolár Etapa daruak tinan 2025**

Nú	Fatin / Escola	Problema/Obstákulu/ Rekomendasaun
1.	EBC Fatululic	Administrasaun ; ✓ Solisitasaun kotasaun laiha ✓ Relatóriu diáriu no trimestrál iha ✓ Funsionamentu livru kaixa /cash book la'o ladún di'ak ✓ Komprovativu kompra no resibu entrega osan ba kompra iha Benefisiáriu; ✓ EBC Fatululik iha ninia Filiál 5 no EPE 2 totál Alunus hamutuk 737, M=373,F=364 Tetu; ✓ Atividade tetu todan no sukat aas laiha Menu; ✓ Grupo ai-han fô Fórza 75 % iha ai-han lokál no la'os ai-han lokál 25% ✓ Grupo ai-han haburas husi ai-han lokál iha 75% no la'os ai-han lokál 25% ✓ Grupo ai-han fô protesaun husi ai-han lokál 75% no la'os ai-han lokál 25% Higiene; ✓ Kondisaun fatin tein ladún di'ak ✓ Kondisdaun fatin han laiha ✓ Hena hamoos rai laiha ✓ Avental ba kuziñeira laiha Utensílius; ✓ Fatin atu duku bikan laiha ✓ Armáriu laiha ✓ Lafatik laiha Dapur; ✓ Kondisaun dapur fo'er no ladi'ak ✓ Fase bikan fatin laiha ✓ Ventilasaun ba ahi suar laiha ✓ Parteleira atu rai sasan laiha ✓ Paletas iha armazen laran laiha Han fatin; ✓ Han fatin Meja no kadeira laiha Obstákulu; ✓ EJP atu halo monitorizasaun transporte laiha, dapur laiha, Meja no kadeira laiha ✓ Armáriu laiha Rekomendasaun; ✓ Presija halo dapur no armazen no han fatin ba alunus ✓ Sosa transporte ba EJP ✓ Fó osan pulsa ba EJP hodi kontaktu ba kuziñeira - Sosa meja no kadeira ba alunus

2.	EBC Dato-Tolu (Fohorém)	Administrasaun ; ✓ Solisitasaun kotasaun laiha ✓ Relatóriu diáriu no trimestrál iha ✓ Funsionamentu livru kaixa /cash book lao ladún di'ak ✓ Komprovativu kompra no resibu entrega osan ba kompra iha Benefisiáriu; ✓ Totál benefisiáriu / alunas EBC Dato Tolu kompostu EBF iha 4 no EPE 2 hamutuk 420 M = 226 Feto = 194. Tetu; ✓ Atividade tetu todan,Sukat Aas larealiza Menu; ✓ Grupo ai-han fô frsa 0 % iha ai-han lokál nolaos ai-han lokál 100% ✓ Grupo ai-han haburas husi ai-han lokál iha 60% no la'os ai-han lokál 40% ✓ Grupo ai-han fô protesaun husi ai-han lokál 90% no la'os ai-han lokál 10% ✓ Ai-han no hemu hirak ne'ebé mak bandu iha PME kuziñeira sira lafô ba alunas Higiene; ✓ Fasilidade hotu- hotu iha ka sufisiente,úniku hena hodi hamoos rai mak laiha Utensílius; ✓ Kompletu Dapur; ✓ Paletas iha armazen laran hodi tau fós mak laiha Han fatin; ✓ Meja no kadeira ba han laiha Obstákulu; ✓ Meja ho kadeira, jaleira, odomatan no han fatin mak laiha Rekomendasaun; ✓ Husu atu bele fasilita sasan hirak ne'ebé temi iha leten hodi fornese merenda ho di'ak.
3.	EBC Fohorém	Administrasaun ; ✓ Solisitasaun kotasaun laiha ✓ Relatóriu diáriu no trimestrál iha ✓ Funsionamentu livru kaixa /cash book lao ladún di'ak ✓ Komprovativu kompra no resibu entrega osan ba kompra iha Benefisiáriu; ✓ EBC Fohorém iha ninia Filiál tolu (3) totál Alunas hamutuk 415, M=202,F=213 Tetu; ✓ Atividade tetu todan larealiza, sukat aas laiha Menu; ✓ Grupo ai-han fô forsa 75 % iha ai-han lokál nolaos ai-han lokál 25% ✓ Grupo ai-han haburas husi ai-han lokál iha 75% no la'os ai-han lokál 25% ✓ Grupo ai-han fô protesaun husi ai-han lokál 75% no la'os ai-han lokál 25% Higiene; ✓ Kondisaun fatin tein ladún di'ak ✓ Kondisdaun fatin han laiha ✓ Hena hamoos rai laiha ✓ Avental ba kuziñeira laiha

		Utensílius; ✓ Fatin atu duku bikan iha ✓ Armáriu laiha ✓ Lafatik laiha Dapur; ✓ Kondisaun dapur fo'er no ladi'ak ✓ Fase bikan fatin laiha ✓ Ventilasaun ba ahi suar laiha ✓ Parteleira laiha ✓ Paletas laiha armazen laiha Han fatin; ✓ Meja no kadeira laiha Obstákulu; ✓ EJP atu halo monitorizasaun transporte laiha, dapur laiha, meja no kadeira laiha ✓ Armáriu laiha Rekomendasaun; ✓ Presija halo dapur no armazen no han fatin ba alunos ✓ Sosa transporte ba EJP ✓ Fó osan pulsa nia ba EJP hodi kontaktu ba kuziñeira sira ✓ Sosa meja no kadeira ba alunos
4.	EBCC Fohorém	Administrasaun ; ✓ Relatóriu diáriu no trimestrál iha ✓ Funsionamentu livru caixa /cash book lao ladún di'ak ✓ Komprovativu kompra no resibu entrega osan ba kompra laiha Benefisiáriu; ✓ Iha EBCC Fohorém inklui ho ninia total alunos hamutuk 229,M=119 no F=110 Tetu; ✓ Atividade tetu todan sukat aas larealiza, Menu; ✓ Grupo ai-han fó forsa 75 % iha ai-han lokál nolaos ai-han lokál 25% ✓ Grupo ai-han haburas husi ai-han lokál iha 75% no la'os ai-han lokál 25% ✓ Grupo ai-han fó protesaun husi ai-han lokál 75% no la'os ai-han lokál 25% Higiene; ✓ Kondisaun fatin tein ladún di'ak ✓ Kondisaun fatin han laiha ✓ Hena hamoos rai laiha ✓ Avental ba kuziñeira laiha Utensílius; ✓ Fatin atu duku bikan iha ✓ Armáriu laiha ✓ Lafatik laiha Dapur; ✓ Kondisaun dapur fo'er no ladi'ak ✓ Fase bikan fatin laiha ✓ Ventilasaun ba ahi suar laiha ✓ Parteleira atu rai sasan laiha ✓ Paletas laiha armazen laiha

		Han fatin; ✓ Han fatin, meja no kadeira laiha Obstákulu;##### Rekomendasaun;#####
5.	EBC Salele	Administrasaun ; ✓ Solisitasaun kotasaun laiha ✓ Relatóriu diáriu no trimestrál iha ✓ Funsionamentu livru kaixa /cash book lao ladún di'ak ✓ Komprovativu kompra no resibu entrega osan ba kompra laiha Benefisiáriu; ✓ EBC Salele iha ninia Totál EBF 5 no EPE 5 totál Alunos hamutuk 1892, M=898,F=994 Tetu; ✓ Atividade tetu todan no Sukat Aas larealiza Menu; ✓ Grupo ai-han fô forsa 75 % iha ai-han lokál no la'os ai-han lokál 25% ✓ Grupo ai-han haburas husi ai-han lokál iha 75% no la'os ai-han lokál 25% ✓ Grupo ai-han fô protesaun husi ai-han lokál 75% no la'os ai-han lokál 25% Higene; ✓ Kondisaun fatin tein iha mais ladún saudavel ✓ Kondisdaun fatin han iha ✓ Hena hamoos rai laiha ✓ Avental ba kuziñeira laiha Utensílus; ✓ Fatin atu duku bikan laiha ✓ Armáriu laiha ✓ Lafatik laiha Dapur; ✓ Kondisaun dapur fo'er no ladún di'ak ✓ Fase bikan fatin laiha ✓ Ventilasaun ba ahi suar laiha ✓ Parteleira atu rai sasan laiha ✓ Paletas laiha armazen laran laiha Han fatin; ✓ Meja no kadeira laiha Obstákulu; ✓ EJP atu halo monitorizasaun transporte laiha, dapur iha deit Eskola Sentral, Meja no kadeira laiha ✓ Armáriu laiha Rekomendasaun; ✓ Presija halo dapur, armazen no han fatin ba alunos ✓ Sosa transporte ba EJP ✓ Fó osan pulsa nia ba EJP hodi kontaktu ba kuziñeira sira ✓ Sosa meja no kadeira ba alunos

6.	EBC Fohobua	Administrasaun ; ✓ Solisitasaun kotasaun laiha ✓ Relatóriu diáriu no trimestrál iha ✓ Funsionamentu livru kaixa /cash book lao ladún di'ak ✓ Komprovativu kompra no resibu entrega osan ba kompra iha Benefisiáriu; ✓ Totál benefisiáriu / alunas EBC Fohobua kompostu EBF iha 3 no EPE 2 hamutuk 559 M = 305 Feto = 254. Tetu; ✓ Atividade tetu todan no Sukat Aas larealiza Menu; ✓ Grupo ai-han fô forsa 0 % iha ai-han lokál nolaos ai-han lokál 100% ✓ Grupo ai-han haburas husi ai-han lokál iha 60% no la'os ai-han lokál 40% ✓ Grupo ai-han fô protesaun husi ai-han lokál 90% no la'os ai-han lokál 10% Higiene; ✓ Fasilidade hotu- hotu iha ka sufisiente,úniku hena hodi hamoos rai mak laiha Utensílius; ✓ Kompletu Dapur; ✓ Paletas iha armazen laran hodi tau Fós mak laiha Han fatin; ✓ Meja no kadeira kompletu Obstákulu; ✓ Meja ho kadeira, jaleira, odomatan laiha no han fatin mak lasufisiente Rekomendasaun; ✓ Husu atu bele fasilita sasán hirak ne'ebé temi iha leten hodi fornese merenda ho di'ak.
7.	EBC Fatumea	Administrasaun ; ✓ Solisitasaun kotasaun laiha ✓ Relatóriu diáriu no trimestrál iha ✓ Funsionamentu livru kaixa /cash book la'o ladún di'ak ✓ Komprovativu kompra no resibu entrega osan ba kompra iha Benefisiáriu; ✓ EBC Fatumea iha ninia Filiál 4 no EPE 3 totál Alunos hamutuk 709, M=353,F=356 Tetu; ✓ Atividade tetu todan no Sukat Aas la realiza Menu; ✓ Grupo ai-han fô forsa 75 % iha ai-han lokál nolaos ai-han lokál 25% ✓ Grupo ai-han haburas husi ai-han lokál iha 75% no la'os ai-han lokál 25% ✓ Grupo ai-han fô protesaun husi ai-han lokál 75% no la'os ai-han lokál 25%

		Higene; ✓ Kondisaun fatin tein ladún di'ak ✓ Kondisdaun fatin han laiha ✓ Hena hamos rai laiha ✓ Avental ba kuziñeira laiha Utensilius; ✓ Fatin atu duku bikan laiha ✓ Armáriu laiha ✓ Lafatík laiha Dapur; ✓ Kondisaun dapur Fóer no ladi'ak ✓ Fase bikan fatin laiha ✓ Ventilasaun baa hi suar laiha ✓ Parteleira atu rai sasan laiha ✓ Paletas laiha armazén laran Han fatin; ✓ Meja no kadeira laiha Obstákulu; ✓ EJP atu halo monitorizasaun transporte laiha,dapur laiha, Meja no kadeira laiha ✓ Armáriu laiha Rekomendasaun; ✓ Presija halo dapur no armazén e han fatin ba alunos ✓ Sosa transporte ba EJP ✓ Fó osan pulsa nia ba EJP hodi kontaktu ba kuziñeira ✓ Sosa meja no kadeira ba alunos
8.	EBC Traducama	Administrasaun; ✓ Solisitasaun kotasaun laiha ✓ Relatóriu diáriu no trimestrál iha ✓ Funsionamentu livru kaixa /cash book lao ladún di'ak ✓ Komprovativu kompra no resibu entrega osan ba kompra laiha Benefisiáriu; ✓ Totál benifisiáriu / alunos EBC Traduk Ama kompostu Filiál iha 3 hamutuk 262 M = 1307 Feto = 125. Tetu; ✓ Atividade tetu todan,Sukat Aas la realiza iha tinan ne'e Menu; ✓ Grupo ai-han fó forsa 0 % iha ai-han lokál no laos ai-han lokál 100% ✓ Grupo ai-han haburas husi ai-han lokál iha 60% no la'os ai-han lokál 40% ✓ Grupo ai-han fó protesaun husi ai-han lokál 90% no la'os ai-han lokál 10% Higiene; ✓ Kondisaun fatin tein ladún di'ak ✓ Kondisaun fatin han laiha ✓ Fasilidade bee moos laiha Utensílius; ✓ Fatin atu duku bikan laiha ✓ Sanan boot laiha ✓ Raga taka ai han laiha ✓ Jaleira no konzeldór laiha ✓ Meza, kadeira no armáriu laiha

		Dapur; ✓ Kanu atu soe be'e fo'er laiha ✓ Ventilasaun ba ahi suar laiha ✓ Armazén laiha ✓ Paletas iha armazén laran laiha Han fatin; ✓ Kondisaun fatin han ba Alunos sira laiha meja no kadeira laiha Obstákulu; ✓ Kondisaun dapur ladi'ak ✓ Armazén laiha Rekomendasaun; ✓ Husu ba Ministériu relevante atu konstrui dapur no Armazén
9.	EBC Onze de Março	Administrasaun ; ✓ Solisitasaun kotasaun laiha ✓ Relatóriu diáriu no trimestrál iha ✓ Funsionamentu livru caixa /cash book lao ladún di'ak ✓ Komprovativu kompra no resibu entrega osan ba kompra iha Benefisiáriu; ✓ Totál benefisiáriu / alunos EBC 11 de Março kompostu Filiál iha 4 hamutuk 523 M = 241 Feto = 282. Tetu; ✓ Atividade tetu todan,Sukat Aas larealiza Menu; ✓ Grupo ai-han fô forsa 0 % iha ai-han lokál nolaos ai-han lokál 100% ✓ Grupo ai-han haburas husi ai-han lokál iha 60% no la'os ai-han lokál 40% ✓ Grupo ai-han fô protesaun husi ai-han lokál 90% no la'os ai-han lokál 10% Higiene; ✓ Kondisaun fatin te'in ladún di'ak ✓ Kondisaun fatin han laiha ✓ Fasilidade bee moos laiha Utensílius; ✓ Fatin atu duku bikan laiha ✓ Sanan boot laiha ✓ Raga taka ai han laiha ✓ Jaleira no konzeldór laiha ✓ Meza no kadeira laiha ✓ Armáriu laiha Dapur; ✓ Kanu atu soe bee fo'er laiha ✓ Ventilasaun ba ahi suar laiha ✓ Armazén laiha ✓ Paletas iha armazén laran laiha Han fatin ✓ Meza no kadeira laiha ba alunos sira Obstákulu; ✓ Dapur ladi'ak ✓ Bee moos laiha no fasilidade dapur laiha Rekomendasaun; ✓ Husu ba Ministériu relevante atu konstrui dapur no armazén

10.	EBC Dais	Administrasaun ; ✓ Solisitasaun kotasaun laiha ✓ Relatóriu diáriu no trimestrál iha ✓ Funsionamentu livru kaixa /cash book lao ladún di'ak ✓ Komprovativu kompra no resibu entrega osan ba kompra iha Benefisiáriu; ✓ Totál benefisiáriu / alunas EBC Ogues kompostu Filiál iha 3 ho EPE 2 hamutuk 1350 M = 693 Feto = 657. Tetu; ✓ Laiha Menu; ✓ Grupo ai-han fô forsa 75 % iha ai-han lokál nolaos ai-han lokál 25% ✓ Grupo ai-han haburas husi ai-han lokál iha 60% no la'os ai-han lokál 40% ✓ Grupo ai-han fô protesaun husi ai-han lokál 25% no la'os ai-han lokál 75% Higene; ✓ Kondisaun fatin tein ladún di'ak ✓ Kondisaun fatin han laiha ✓ Fasilidade bee moos laiha Utensílius; ✓ Fatin atu duku bikan laiha ✓ Sanan boot laiha ✓ Raga taka ai han laiha ✓ Jaleira no konzeldór laiha ✓ Meza no kadeira laiha ✓ Armáriu laiha Dapur; ✓ Kanu atu soe be'e Fóer laiha ✓ Ventilasaun ba ahi suar laiha ✓ Armazén laiha ✓ Paletas iha armazen laran laiha ✓ Laiha espasu atu rai ai maran Han fatin; ✓ Meza no kadeira laiha ba alunas sira Obstákulu; ✓ Dapur laiha te'in deit iha loro laran,tempu udan inundasaun ✓ Laiha armazen Rekomendasaun; ✓ Presija bee moos, ✓ Halo konstrusaun ba dapur ho armazen ✓ Presija distribui armáriu hodi duku bikan
-----	----------	---

11.	EBC Ogues	Administrasaun ; ✓ Solisitasaun kotasaun laiha ✓ Relatóriu diáriu no trimestrál iha ✓ Funsionamentu livru kaixa /cash book lao ladún di'ak ✓ Komprovativu kompra no resibu entrega osan ba kompra laiha Benefisiáriu; ✓ Totál benefisiáriu / alunas EBC Ogues kompostu Filiál iha 3 ho EPE 2 hamutuk 1187 M = 600 Feto = 587. Tetu; ✓ Laiha Menu; ✓ Grupo ai-han fó forsa 75 % iha ai-han lokál nolaos ai-han lokál 25% ✓ Grupo ai-han haburas husi ai-han lokál iha 60% no la'os ai-han lokál 40% ✓ Grupo ai-han fó protesaun husi ai-han lokál 25% no la'os ai-han lokál 75% Higiene; ✓ Kondisaun fatin tein ladún diak ✓ Kondisaun fatin han laiha ✓ Fasilidade bee moos laiha Utensílius; ✓ Fatin atu duku bikan laiha ✓ Sanan boot laiha ✓ Raga taka ai han laiha ✓ Jaleira no konzeldór laiha ✓ Meza no kadeira laiha ✓ Armáriu laiha Dapur; ✓ Kanu atu soe bee fo'er laiha ✓ Ventilasaun ba ahi suar laiha ✓ Armazén la iha ✓ Paletas iha armazen laran laiha ✓ Laiha espasu atu rai ai maran Han fatin; ✓ Meza no kadeira laiha ba alunas sira Obstákulu; ✓ Bee moos laiha ✓ Armazén laiha Rekomendasaun; ✓ Presiza bee moos, ✓ Halo konstrusaun ba dapur ho armazen ✓ Presija distribui armáriu hodi duku bikan
-----	-----------	---

12.	EBC Ladi	Administrasaun ; ✓ Solisitasaun kotasaun laiha ✓ Relatóriu diáriu no trimestrál iha ✓ Funsionamentu livru kaixa /cash book lao ladún di'ak ✓ Komprovativu kompra no resibu entrega osan ba kompra la iha Benefisiáriu; ✓ Totál benefisiáriu / alunus EBC Ladi kompostu Filiál iha 2 hamutuk 1084 M = 593 Feto = 491. Tetu; ✓ Atividade tetu todan,Sukat Aas larealiza Menu; ✓ Grupo ai-han fó forsa 0 % iha ai-han lokál nolaos ai-han lokál 100% ✓ Grupo ai-han haburas husi ai-han lokál iha 60% no la'os ai-han lokál 40% ✓ Grupo ai-han fó protesaun husi ai-han lokál 90% no la'os ai-han lokál 10% Higiene; ✓ Kondisaun fatin tein ladún di'ak ✓ Kondisaun fatin han iha maibe la suficiente ✓ Fasilidade bee moos laiha Utensílius; ✓ Fatin atu duku bikan laiha ✓ Sanan boot iha ✓ Raga taka ai han laiha ✓ Jaleira no konzeldór laiha ✓ Meza no kadeira laiha ✓ Armáriu laiha Dapur; ✓ Kanu atu soe be'e Fóer laiha ✓ Ventilasaun ba ahi suar laiha ✓ Armazén laiha ✓ Paletas iha armazen laran iha ✓ Laiha espasu atu rai ai maran Han fatin; ✓ Meza no kadeira laiha ba alunus sira Obstákulu; ✓ Dapur ladi'ak Rekomendasaun; ✓ Husu ba Ministeriu ou Servisu Municipal relevante atu halo konstrusaun dapur no armazen foun
-----	----------	---

13.	EBC Suai Loro	Administrasaun ; ✓ Solisitasau kotasaun laiha ✓ Relatóriu diáriu no trimestrál iha ✓ Funsionamentu livru kaixa /cash book lao ladún diak ✓ Komprovativu kompra no resibu entrega osan ba kompra iha Benefisiáriu; ✓ EBC Suai-loro iha ninia Filiál 3 no EPE 4 totál Alunus hamutuk 1272, M=658, F=614 Tetu; ✓ Atividade tetu todan no Sukat Aas larealiza, Menu; ✓ Grupo ai-han fó forsa 75 % iha ai-han lokál nolaos ai-han lokál 25% ✓ Grupo ai-han haburas husi ai-han lokál iha 75% no la'os ai-han lokál 25% ✓ Grupo ai-han fó protesaun husi ai-han lokál 75% no la'os ai-han lokál 25% Higiene; ✓ Kondisaun fatin tein ladún di'ak ✓ Kondisaun fatin han laiha ✓ Hena hamos rai laiha ✓ Avental ba kuziñeira laiha Utensílius; ✓ Fatin atu duku bikan ✓ Armáriu laiha ✓ Lafatik laiha Dapur; ✓ Kondisaun dapur Fo'er no ladi'ak ✓ Fase bikan fatin laiha ✓ Ventilasaun ba ahi suar laiha ✓ Parteleira atu rai sasan laiha ✓ Paletas iha armazén laran laiha Han fatin; ✓ Meja no kadeira laiha Obstákulu; ✓ EJP atu halo monitorizasaun transporte laiha,dapur laiha, Meja no kadeira laiha ✓ Armáriu laiha Rekomendasaun; ✓ Tengki halo dapur no armazén e han fatin ba alunus ✓ Sosa transporte ba EJP ✓ Fó osan pulsa nia ba EJP hodi kontaktu ba kuziñeira sira - Sosa meja no kadeira ba alunus
-----	---------------	---

14.	EBC Sândalo	Administrasaun ; ✓ Solisitasaun kotasaun laiha ✓ Relatóriu diáriu no trimestrál iha ✓ Funsionamentu livru kaixa /cash book lao ladún diak ✓ Komprovativu kompra no resibu entrega osan ba kompra iha Benefisiáriu; ✓ Totál benefisiáriu / alunas EBC Sândalo kompostu EBF iha 1no EPE 2 hamutuk 950, M = 461 Feto = 489. Tetu; ✓ Atividade tetu todan,Sukat Aas lahala'o Menu; ✓ Grupo ai-han fô forsa 0 % iha ai-han lokál nolaos ai-han lokál 100% ✓ Grupo ai-han haburas husi ai-han lokál iha 60% no la'os ai-han lokál 40% ✓ Grupo ai-han fô protesaun husi ai-han lokál 90% no la'os ai-han lokál 10% Higiene; ✓ Fasilidade hotu- hotu iha ka suficiente,úniku hena hodi hamoos rai mak la iha Utensílius; ✓ Kompletu Dapur; ✓ Paletas iha armazen laran hodi tau fos mak laiha Han fatin; ✓ Meja no kadeira laiha Obstákulu; ✓ Meja ho kadeira,jaleira, odomatan no han fatin mak laiha Rekomendasaun; ✓ Husu atu bele fasilita sasan hirak ne'ebé temi iha leten hodi Fornese merenda ho di'ak.
-----	-------------	--

15.	EBC Lontale	Administrasaun; ✓ Solisitasaun kotasaun laiha tamba comunidade lamai foti formuláru kotasaun iha Kordenadór EJP. ✓ Relatóriu diáriu no trimestrál la’o di’ak,funsonamentu livru kaixa /cash book funsiona ho di’ak, komprovativu kompra no resibu entrega osan ba kompra iha. Benefisiáriu; ✓ Totál alunas iha EBC Lontale ho ninia Filiál iha rua 2 ho EPE iha 3 hamutuk iha 997 Alunos M = 471, F = 526 Tetu; ✓ Laiha Menu; ✓ Iha grupo Ai-han fó forsa ne’ebé husi Ai-han lokál iha 50% no la’os Ai-han lokál mós iha 50% ✓ Grupo ai-han haburas husi ai-han lokál iha 60% no la’os ai-han lokál 40% ✓ Grupo ai-han fó protesaun husi ai-han lokál 90% no la’os ai-han lokál 10% Higiene; ✓ Kondisaun fatin atu han laiha,fasilidade bee moos laiha no hena hamoos rai mós laiha Utensílius; ✓ Fatin atu duku bikan, kanuru, kopu laiha ✓ Raga taka ai han laiha ✓ Ai kabelak atu ko’a modo ka na’an laiha ✓ Jaleira ka konjeladór laiha ✓ Meza no kadeira laiha Dapur; ✓ Laiha kanu atu soe bee fo’er ✓ Ventilasaun ba ahi suar laiha ✓ Laiha prateleira kuadradu atu rai bikan, kanuru kopu, no temperus Han fatin; ✓ Han fatin laiha, alunas sira tur deit iha rai Obstákulu; ✓ Kondisaun dapur ladún di’ak ✓ Fatin han ba labarik sira laiha ✓ Tempu lasufisiente mai ami Rekomendasaun; ✓ Husu ba servisu Munisipál no Ministériu relevante atu konstrui Armazén hodi rai sasan ne’ebé mak uza iha programa merenda Eskolár
-----	-------------	--

16.	EBC Beco	Administrasaun ; ✓ Solisitasaun kotasaun laiha ✓ Relatóriu diáriu no trimestrál iha ✓ Funsionamentu livru kaixa /cash book lao ladún di'ak Komprovativu kompra no resibu entrega osan ba kompra iha Benefisiáriu; ✓ Totál alunos iha EBC Beco hamutuk iha : 661 Feto = 331, Mane = 330 estudantes kompostu husi ninia Filiál sira no EPE. Tetu; ✓ Laiha Menu; ✓ Iha grupo Ai han fó forsa alunos sira han deit dala ida iha semana ida nia laran ho 10% kompara ho grupo laos Ai han lokál mak iha 90 %, grupo Ai han haburas 20 % Ai han lokál no la'os ai han lokál 80%,grupo Aihan Fó protesaun iha 100% Higiene; ✓ Kuziñeira sira lauza Avental,Maskra no luvas wainhira prepara hahan ba alunos sira ✓ Líkidu ne'ebé hodi fase bikan latuir matadalan tamba sira uza deit rinso hodi fase Utensílius sira Utensílius; ✓ Fatin atu duku bikan laiha,Armazén hodi rai sasan laiha,paletas atu rai Foos mós laiha. Dapur; ✓ Kondisaun dapur ladi'ak, sabaun hodi fase liman ladún disponivel Han fatin; ✓ Kondisaun fatin han ba Alunos sira laiha Obstákulu; ✓ Tempu lato'o wainhira kuziñeira sira atu ba sura estudante iha kada turma hodi hatene alunos hira mak prezensa iha aula no Diretór ka Kordenadór eskola sira ladún iha koperasaun di'ak ho kuziñeira sira. Rekomendasaun; ✓ Husu ba servisu Munisipál no Ministériu relevante atu konstrui Armazén hodi rai sasan ne'ebé mak uza iha programa merenda Eskolár
-----	----------	---

17.	EBC Gala	Administrasaun; ✓ Solisitasaun kotasaun laiha ✓ Relatóriu diáriu no trimestrál lao di'ak,funsonamentu livru kaixa /cash book funsiona ho di'ak,komprovativu kompra no resibu entrega osan ba kompra iha. Benefisiáriu; ✓ Totál alunos iha EBC Gala ho ninia Filiál iha rua 4 hamutuk iha 527 Alunos M = 265, F = 262 Tetu; ✓ La iha Menu; ✓ Iha grupo Ai han fó forsa alunos sira han deit dala ida iha semana ida nia laran ho 10% kompara ho grupo la'os Ai han lokál mak iha 90 %, grupo Ai han haburas 20 % Ai han lokál no La'os ai han lokál 80%,grupo Aihan Fó protesaun iha 100% Higene; ✓ Kuziñeira sira lauza Avental,Maskra no luvas wainhira prepara hahan ba alunos sira ✓ Likidu ne'ebé hodi fase bikan latuir matadalan tamba sira uza deit rinso hodi fase Utensílius sira Utensílius; ✓ Fatin atu duku bikan laiha,Armazén hodi rai sasan laiha,paletas atu rai Foos mós laiha. Dapur; ✓ Kondisaun dapur ladi'ak, sabaun hodi fase liman ladún disponivel Han fatin; ✓ Kondisaun fatin han ba Alunos sira laiha Obstákulu; ✓ Kuziñeira foti rasik ai maran no kuru bee ho distánsia ne'ebé mak dook maibé laiha osan ba item rua ne'e ✓ Insentivu ba ami kuziñeira lasufisiente Rekomendasaun; ✓ Husu ba servisu Munisipál no Ministériu relevante atu konstrui Armazén hodi rai sasan ne'ebé mak uza iha programa merenda Eskolár
-----	----------	--

18.	EBC C São Luis Gonzaga	Administrasaun ; ✓ Kordenador no Finanças EJP loke duni kotasaun ba comunidade sira, iha balun mai foti tiha maibé sira laiha vontade atu jere programa ne'e ✓ Relatório diáriu, trimestral, livru caixa/cash book, resibu entrega osan la'o di'ak Benefisiáriu; ✓ Iha EBCC São Luis Gonzaga ho ninia Filiál iha 6 inklui EPE ho total alunas iha =922M=464, F=458 Tetu; ✓ Atividade tetu no suka Aas la iha tamba ekipa saude la mai iha eskola refere. Menu; ✓ Iha grupo Ai han fó forsa alunas sira han deit dala ida iha semana ida nia laran ho 70% kompara ho grupo laos Ai han lokal mak iha 30 %, grupo Ai han haburas 50 % Ai han lokal no Laos ai han lokal 50%, grupo Aihan fó protesaun iha 100% Higene ✓ Kondisaun fatin tein ladún di'ak ✓ kondisaun fatin han laiha ✓ Fasilidade bee moos laiha ✓ Hena hamaran bikan, kopu no kanuru laiha Utensílius; ✓ Fatin atu duku bikan, kanuru, kopu laiha ✓ Raga taka ai han laiha ✓ Ai kabelak atu ko'a modo ka na'an laiha ✓ Jaleira ka konjelador laiha ✓ Meza no kadeira laiha Dapur; ✓ Laiha kanu atu soe bee fo'er ✓ Ventilasaun ba ahi suar laiha ✓ Laiha prateleira kuadrado atu rai bikan, kanuru kopu, no temperus Han fatin; ✓ Han fatin laiha, alunas sira tur deit iha rai Obstákulu; ✓ Kondisaun dapur ladún diak, meza no kadeira ba estudante atu han laiha Rekomendasaun; ✓ Halo dapur no estudante nia han fatin, persija mos meza no kadeira ✓ Husu ba pesoál Saúde sira mai atu kompleta kriteriu husi PME ✓ Presija iha formasaun ba kuzifeira sira atu nune'e bele intende didi'ak ba iha menu sira.
-----	------------------------	---

19.	EBC Zumalai	Administrasaun ; ✓ Solisitasaun kotasaun laiha ✓ Relatóriu diáriu lao ladún di'ak, relatóriu trimestráil no livru caixa funsiona ho di'ak Benefisiáriu; ✓ Totál benefisiáriu iha EBC Zumalai ho ninia filial iha 3 inklui EPE 1 total hamotuk 795 alunos M: 452 : F: 343 Tetu; ✓ Laiha Menu; ✓ Iha grupu Ai han fó forsa no Ai han lokál kada semana 60% no la'os Ai han lokál iha 40 % Higiene; ✓ Kuziñeira sira lauza Avental,Maskra no luvas wainhira prepara hahan ba alunos sira ✓ Líkidu ne'ebé hodi fase bikan latuir matadalan tamba sira uza deit Rinso hodi fase Utensílius sira Utensílius; ✓ Fatin atu duku bikan, kopu,kanuru laiha ✓ Raga taka Ai han laiha Dapur; ✓ Dapur ka armazen laiha hodi rai sasan ne'ebé mak uja ba programa PME Han fatin; ✓ Meja ho kadeira laiha hodi fasilita Estudante sira atu han. ✓ Wainhira Estudante sira han tur deit iha rai Obstákulu; ✓ Ami kuziñeira lahetan osan \$.0,35 centavos kada loron tamba Kordenador EJP ho Financas mak halo despesas ba aihan sira, no Ami hein tein deit (iha Eskola Sentral). Rekomendasaun; ✓ Husu ba servisu Municipál relevante atu tau kondisaun ne'ebé mak dignu ba iha armazen no dapur e no mós husu ba Diretór Servisu Municipál Saúde atu haruka ninia funsionariu iha SSK no mos Postu Saúde sira atu mai iha terenu hodi sukat Altura, pezu no sukat lila ba iha Alunos sira nia liman kabun.
-----	-------------	--

20.	EBC Tazhilin	Administrasaun ; ✓ Solisitasaun kotasaun laiha ✓ Relatóriu diáriu no trimestrál iha ✓ Funsionamentu livru kaixa /cash book lao ladún di'ak ✓ Komprovativu kompra no resibu entrega osan ba kompra laiha Benefisiáriu; ✓ Iha EBC Tazhilin ho ninia Filiál iha 3 inklui EPE 1 ho total alunos iha 826 M=438, F=388 Tetu; ✓ Laiha Menu; ✓ Iha grupo Ai han fó forsa alunos sira han deit dala ida iha semana ida nia laran ho 70% kompara ho grupo la'os Ai han lokál mak iha 30 %, grupo Ai han haburas 50 % Ai han lokál no La'os ai han lokál 50%,grupo Aihan Fó protesaun iha 100% Higene; ✓ Kuziñeira sira lauza Avental, Maskra no luvas wainhira prepara hahan ba alunos sira ✓ Likidu ne'ebé hodi fase bikan latuir matadalan tamba sira uza deit Rinso hodi fase Utensílius sira Utensílius; ✓ Fatin atu duku bikan, kopu,kanuru laiha ✓ Raga taka Ai han laiha Dapur; ✓ Dapur ka armazén laiha hodi rai sasan ne'ebé mak uja ba programa PME Han fatin; ✓ Meja ho kadeira laiha hodi fasilita Estudante sira atu han. ✓ Wainhira Estudante sira han tur deit iha rai Obstákulu; ✓ Osan ba bee moos no ai maran \$.0,01EJP sira la fó ami kuziñeira ✓ Utensílius ne'ebé uza iha PME EJP la fó ✓ Insentivu ne'e lasufisiente mai ami Rekomendasaun; ✓ Halo dapur no estudante nia han fatin,persija mos meza no kadeira ✓ Husu ba pesoal saude sira mai atu kompleta kriteriu husi PME ✓ Presija iha Fórmasaun ba kuziñeira sira atu nune bele intende didiak baiha menu sira ✓ Tengki Aumenta insentivu mai ami kuziñeira.
-----	--------------	---

21.	EBC Beilaco	Administrasaun ; ✓ Solisitasaun kotasaun la iha ✓ Relatóriu diáriu no trimestrál iha ✓ Funsionamentu livru kaixa /cash book lao ladún di'ak ✓ Komprovativu kompra no resibu entrega osan ba kompra la iha Benefisiáriu; ✓ Iha EBC Belaco ho ninia Filiál iha 2inklui EPE 2 ho totál alunos iha 842 M=409, F=433 Tetu; ✓ Laiha Menu; ✓ Iha grupo Ai han fó forsa alunos sira han deit dala ida iha semana ida nia laran ho 70% kompara ho grupo laos Ai han local mak iha 30 %, grupo Ai han haburas 50 % Ai han local no Laos ai han local 50%,grupo Aihan Fó protesaun iha 100% Higiene; ✓ Kuziñeira sira lauza Avental, Maskra no luvas wainhira prepara hahan ba alunos sira ✓ Likidu ne'ebé hodi fase bikan latuir matadalan tamba sira uza deit rinso hodi fase utensílius sira Utensílius; ✓ Fatin atu duku bikan, kopu,kanuru laiha ✓ Raga taka Ai han laiha Dapur; ✓ Dapur ka armazé laiha hodi rai sasan ne'ebé mak uja ba programa PME Han fatin; ✓ Meja ho kadeira laiha hodi fasilita Estudante sira atu han. ✓ Wainhira Estudante sira han tur deit iha rai Obstákulu; ✓ Fatin han laiha ✓ Fasilidade dapur la kompletu bee moos laiha ✓ Kondisaun dapur ladi'ak Rekomendasaun; Husu ba servisu Municipal relevante atu tau kondisaun ne'ebé mak diknu baiha armazé no dapur, e no mos husu ba diretor servisu Municipal Saude atu haruka ninia funsionariu iha SSK no mos Postu Saude sira atu mai iha terenu hodi sukat Altura, pezu no sukat lila ba iha Alunos sira nia liman kabun.
-----	-------------	--

22.	EBC Bulu	Administrasaun ; ✓ Solisitasaun kotasaun laiha ✓ Relatóriu diáriu no trimestrál iha ✓ Funsionamentu livru kaixa /cash book lao ladún diak ✓ Komprovativu kompra no resibu entrega osan ba kompra laiha Benefisiáriu; ✓ Iha EBC Bulu ho ninia Filiál iha 6 inklui EPE 1 ho totál alunos iha =939 M=494, F=445 Tetu; ✓ Laiha Menu; ✓ Iha grupo Ai han fó forsa alunos sira han deit dala ida iha semana ida nia laran ho 70% kompara ho grupo laos Ai han local mak iha 30 %, grupo Ai han haburas 50 % Ai han local no Laos ai han local 50%,grupo Aihan 50% Fó protesaun laiha 50 %. Higene; ✓ Kuziñeira sira la uza Avental,Maskra no Lubas wainhira prepara hahan ba alunos sira ✓ Likidu ne'ebé hodi fase bikan latuir matadalan tamba sira uza deit Rinso hodi fase utensílius sira Utensílius; ✓ Fatin atu duku bikan, kopu,kanuru laiha ✓ Raga taka Ai han laiha Dapur; ✓ Dapur ka armazén laiha hodi rai sasan ne'ebé mak uja ba programa PME Han fatin; ✓ Meja ho kadeira laiha hodi fasilita Estudante sira atu han. ✓ Wainhira Estudante sira han tur deit iha rai Obstákulu; ✓ Ami kuziñeira la hetan osan \$.0,35 centavos kada loron tamba Kordenador EJP ho Financas mak halo despezas ba aihan sira, no Ami hein tein deit. Rekomendasaun; ✓ Husu ba servisu Municipal relevante atu tau kondisaun ne'ebé mak diknu ba iha armazé no dapur e no mos husu ba diretor servisu Municipal Saude atu haruka ninia funsionariu iha SSK no mos Postu Saude sira atu mai iha terenu hodi sukat Altura, pezu no sukat lila ba iha Alunos sira nia liman kabun.
-----	----------	--

23.	EBC C Zumalai	Administrasaun ; ✓ Solisitasaun kotasaun laiha ✓ Relatóriu diáriu no trimestrál iha ✓ Funsionamentu livru caixa /cash book lao ladún di'ak ✓ Komprovativu kompra no resibu entrega osan ba kompra laiha Benefisiáriu; ✓ Iha EBCC Zumalai ho ninia Filiál iha 2 inklui EPE 1 ho totál alunos iha =693 M=346, F=347 Tetu; ✓ Laiha Menu; ✓ Iha grupo Ai han fó forsa alunos sira han deit dala ida iha semana ida nia laran ho 50% kompara ho grupo laos Ai han local mak iha 50 %, grupo Ai han haburas 50 % Ai han local no Laos ai han local 50%,grupo Aihan Fó protesaun iha 50% Higene; ✓ Kuziñeira sira la uza Avental,Maskra no Lubas wainhira prepara hahan ba alunos sira ✓ Likidu ne'ebé hodi fase bikan latuir matadalan tamba sira uza deit Rinso hodi fase utensílius sira Utensílius; ✓ Fatin atu duku bikan, kopu,kanuru laiha ✓ Raga taka Ai han laiha Dapur; ✓ Dapur ka armazé laiha hodi rai sasan ne'ebé mak uja ba programa PME Han fatin; ✓ Meja ho kadeira iha hodi fasilita Estudante sira atu han. Obstákulu; ✓ Ami kuziñeira lahetan osan \$.0,35 centavos kada loron tamba Kordenador EJP ho Financas mak halo despezas ba aihan sira, no ami hein tein deit. Rekomendasaun; Husu ba servisu Municipal relevante atu tau kondisaun ne'ebé mak dignu ba iha armazen no dapur e no mós husu ba Diretór servisu Municipál Saúde atu haruka ninia funsióariu iha SSK no mós Postu Saúde sira atu mai iha terenu hodi sukat Altura, pezu no sukat lila ba iha Alunos sira nia liman kabun.
-----	---------------	--

Covalima, 11 de Setembro de 2025

Prepara husi :

Aprova husi :

Francisco Cardoso, L. Ed

Chefe Dep. Acompanhamento e Avaliação

Afonso Nogueira Nahak, S.Sos

Diretor Agência Municipal de Planeamento



**AUTORIDADE
MUNICIPAL DE
COVALIMA**



**Agência Municipal de
Planejamento**

Ref:/PAM Covalima/AMP/II/2026

Data : 04./ 02/ 2026
Hato'o ba : Ex^{mo} Diretora Servisu Municipal de Edukasaun
Sra. Elda de Fatima
Assunto : Nota **akompanhamentu**

Bazeia ba orientasaun hosi Sua Excia M-MAE liu hosi DG_DGL datadu 2 de Febreiru 2026 katak atu prepara materia Apresentasaun ba Sua EX-CIA PM nia visita ba Municipios. Tanba nee husu ba Diretora atu tau atensaun ba orientasaun nebe sita iha karta ida ne'e (anexu). Ida nee mak ami hato'o, ba ita bo,ot nia atensaun no konsiderasaun obrigadu wain.

Suai, 04 de Febreiru 2026

Afonso Nogueira Nahak, S.Sos